

## ՀԱՇՎԵՏՎՈՒԹՅՈՒՆ

**ՀՀ գլխավոր հարկադիր կատարողի ժամանակավոր պաշտոնակատար,  
արդարադատության գնդապետ Դավիթ Բեգինյանի Ռուսաստանի Դաշնություն  
(Մոսկվա) գործուղման արդյունքների վերաբերյալ**

**Գործուղված պաշտոնատար անձ՝ Դավիթ Բեգինյան:**

**Գործուղված պաշտոնատար անձի զբաղեցրած պաշտոնը՝ ՀՀ գլխավոր հարկադիր  
կատարողի ժամանակավոր պաշտոնակատար:**

**Գործուղման վայրը և ժամկետները՝** Ռուսաստանի Դաշնություն (Մոսկվա), 2019  
թվականի հուլիսի 30-ից օգոստոսի 2-ը ներառյալ:

**Հրավիրող կողմը՝** Ռուսաստանի Դաշնության դատական պրիստավների դաշնային  
ծառայություն:

**Գործուղման նպատակը՝** մասնակցելու՝ Հարկադիր կատարման ոլորտի  
հիմնախնդիրներին նվիրված հոբելյանական 10-րդ միջազգային գիտագործնական  
համաժողովին:

**Քննարկված թեմաներ՝** «Հարկադիր կատարում. ներկա իրավիճակ և զարգացման  
վեկտորներ». տարբեր երկրներում հարկադիր կատարման համակարգերի  
կատարելագործման ոլորտում գրանցված ձեռքբերումների, զարգացման հեռանկարների,  
խնդիրների վերհանման վերաբերող հարցեր:

**Հանդիպումներ, Ելույթներ, բարձրացված կամ քննարկված հարցերը.**

ՀՀ գլխավոր հարկադիր կատարողի ժամանակավոր պաշտոնակատար Դավիթ  
Բեգինյանը 31.07.2018թ. առանձին հանդիպում է ունեցել ՌԴ դատական պրիստավների  
դաշնային ծառայության տնօրեն-ՌԴ գլխավոր դատական պրիստավ Դմիտրի Արիստովի հետ:

Կողմերը քննարկել են երկու երկրների ծառայությունների միջև համագործակցության  
ակտիվացման անհրաժեշտությունը, մասնավորապես քննարկվել է ՌԴ դատական  
պրիստավների դաշնային ծառայության և ՀՀ հարկադիր կատարումն ապահովող ծառայության  
միջև ստորագրվելիք համագործակցության հուշագրի նախագծի դրույթները:  
Պայմանավորվածությունն է ձեռք բերվել հուշագիրը ստորագրել 2019թ. նոյեմբերին կայանալիք  
Դատական կատարողների միջազգային միության լիագումար նիստի ընթացքում:

ՀՀ գլխավոր հարկադիր կատարողի ժամանակավոր պաշտոնակատար,  
արդարադատության գնդապետ Դ. Բեգինյանը 02.08.2019թ. Մոսկվայում ելույթ է ունեցել  
գիտագործնական համաժողովին՝ ներկայացնելով ոչ գույքային բնույթի կատարողական  
վարույթների կատարման առանձնահատկությունները Հայաստանի Հանրապետությունում՝  
մասնավորապես նշելով իրավական կարգավորումները և Ծառայության իրավակիրառ  
պրակտիկան:

Ներկայացնելով վերը նշված բնագավառում արդի խնդիրները՝ Դ. Բեգինյանը ընդգծել  
է ոչ գույքային բնույթի կատարողական վարույթների կատարման ժամանակ առաջացող  
կատարողական գործողությունների կատարման ծախսերի հետ կապված հարցերը:

Աշխատանքային այցի ընթացքում ՀՀ գլխավոր հարկադիր կատարողի ժամանակավոր պաշտոնակատարն առանձին հանդիպումներ է ունեցել Դատական կատարողների միջազգային միության նախագահ Մարկ Շմիցի, ինչպես նաև Բելառուսի Հանրապետության արդարադատության նախարարության հարկադիր կատարման գլխավոր վարչության ղեկավար Դմիտրի Կովալենկոյի հետ:

Զրուցակիցները քննարկել են հետագա համագործակցության խորացման հեռանկարները:

ՀՀ ԳԼԽԱՎՈՐ ՀԱՐԿԱԴԻՐ ԿԱՏԱՐՈՂԻ  
ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ,  
ԱՐԴԱՐԱԴԱՏՈՒԹՅԱՆ ԳՆԴԱՊԵՏ



Դ. ԲԵԳԻՆՅԱՆ